

丁史類語

一序目

漢	書	門
三〇八	一三〇	一〇四
類	號	函
架	冊	架

三〇八	一三〇
一〇四	一〇四
類	號
架	冊

内閣文庫	
番號	漢 3080
冊數	10 (1)
函號	367 18

367-18



綴じ部(喉部分)の文字など開きが不鮮明な箇所あり

子史類語序

文庫

子史類語

聞之諸子爲經籍之鼓吹。
史書乃政化之黼黻。皆爲
治之具也。儒者不通經術。

不足緯世務。不博極群籍。
不足匡失俗。羽鴻猷。彼緣
飾儒雅。以文吏治。雖見譽
一時。究不若碩抱淵藏。爲

當代經綸手也。嘗考古今
藏書之目。六經而下。子史
爲多。劉歆著七畧。一曰集。
二曰諸子。鄭默分四部。乙

部有右諸子家。近世子家。
景部有史記舊事。王儉撰。
七志。阮孝緒更七錄。子史
皆據其二。至宋崇文摠目。

并續書目。分經史子集四
類。爲書九千八百十九部。
十一萬九千九百七十二
卷。而史與子幾居其半。更

元暨

明。作者。又不知凡幾矣。學
人。即雅意博綜。而蘭臺石
室。秘籍難窺。緗素縹囊。寡

貲。莫購。猶之過屠門而大
嚼。望蓬萊三神山。莫能濡
足焉耳。余友魯孔式氏。博
學洽聞。有窮愁著書之志。

向因羅君文止十三經類
語。既爲訂定纂註而行之
矣。今復廣其意。輯子史類
語。書成索叙于余。余思鈇

裂大道。剖析辭義。昔賢固
已譏之。然魏徵之脩隋書
也。曰遠覽馬史班書。近觀
王阮志錄。挹其風流體制。

削其浮薄鄙俚。約文緒義。凡五十五篇。是古人亦未嘗不薙繁就約也。鄭默刪定舊文論者。美其朱紫有

別。太史公爲成學治古要。刪擇其言尤雅者。是古人未嘗不擊蕪摘粹也。今孔式所類固稍異。是然其大

月六
要。有益教理。資藉經務。倫
彛。則恆變各陳。政術則利
弊並著。學業則邪正區分。
品類則賢奸剖別。其他往

行懿言。人情物理。悉備焉。
誠所謂瑕瑜相形。雅鄭各
趣。譬之萬派歸源。四瀆可
分。繁星麗天。五緯可識。有

要存焉。披求斯得。在學者
善讀之耳。且夫嚅噉千典。
涵泳萬緗。難於定是非。明
可否。掇拾春華。摭撝秋實。

難於決取舍。崇體要。是故
刈楚者。片善不遺。纂言者
鉤玄是尚。在著述家。洵不
易工。况爲書止二十卷。而


上下三千餘年。出入百四
五十種。存什一于千百。不
無一班之窺。苟能推而廣
之。奚止半部論語爲太平

佐也。士不通經。果不適用。
昌黎誠知言哉。若以含華
咀英。畢芳弋艷。有功砧啤。
爲足槩是集。是又以一班

窺是集也巳。

社盟弟錢喜起賡明父

題於南都水部公署



子史類語自序

越絕序云。微言絕於彼。辨士絕於此。故題之曰越絕。豈當是時。已逆知後世作者。脰注爭鳴。依附道德。訾詆聖賢。恍洋詭恠。不

足語大澗之精微哉。要其人。皆
卓然自命。勒成一家言。以垂不
朽。故寧迂道。息尚經濟。崇虛無。
賢刺覈。放言高論。不顧非議。而
斷不拾人唾餘。至若史代各異。
人人各異事。風會標格。更宜其
不相襲也。劉勰夢以丹漆隨先
聖。而作文心雕龍。司馬子長史
記成。而欲藏之名山。蓋其一生
學問。精識名言。誠有不可磨滅

者。或以諸子之言。錯出不雅。駢而欲付之秦燄。噫。過矣。蒐其精。去其糶。芟其煩。存其槩。是六狐之腋。而侯之鯖也。弟子家踰百。史二十有一。越絕。汲冢。路史。捷錄等書。不與焉。咕嗶之士。憚其浩博。迷於蒼黃。即欲染指。其中不易得。烏能涉津涯。挾閩奧。歷覽全書。以傲儉腹子邪。余因依十三經類語。擇採而編集之。始

事庫辰之冬。閏暮而成。子則上
自廣成。下迄蒼崖草木。史則起
於遷史。終於


國朝捷錄。靡不廣羅。簡擇精析
而類分之。道德問學。取其醇。經

濟刑名。取其當。天文山水。取其
約而有徵。物理人倫。取其確而
可訊。清談。取其玄妙。辯章。取其
風華。論斷。取其有關世道。事次
取其足鑿。來茲。章疏奏記。取其

通達國體。而適於時用。不冗不
濫。有脊有倫。雖或未盡。合於作
者之旨。蓋亦實勞予心矣。如曰
夏侯氏之謂子長也。尚云割裂。
况此之謏者乎。予亦甘之。然
子長不曰。予於墨子。取其長而
已矣。予于刑名。取其長而已矣。
予亦取其長焉。俾讀者識古今
人物經濟道德辭章。以致於用。
又何恤乎割裂之謂乎哉。矧微

言之絕。端木氏已言之。即割裂
焉。以存其微。而繼其絕。又奚不
可。

錢江魯重民題



子史類語敘

予少嘗不喜讀舉業書。其於經
濟事類。朝家典故。輒津津不置。
蓋竊意其有實用也。况今疆場
多故。灾變頻仍。得人為亟。而咕


和月一
嗶之士。徒申舉業。罔知經濟。卽
言一式兼之者。祖呂經濟爲舉
業耳。奚惑虜纍若多。建赫少歟。
予多孔武。底纂子史類語。所謂
呂經濟爲舉業者也。予受而讀
之。其淹雅精粹。卓朕青用之。書
固無俟言。雖嬖猶有說。經濟在
事次。不在辭華。賢條曷不貴斷
章。今舉而類之。於二者不免有
闕。恐讀之者。仍呂舉業爲經濟

也。予竊有志焉。欲取古今經濟
之書。芟盡支言。彙成一集。先列
論議。次第。以己事功效券之。不
惟共農禮樂。確有成畫。即山川
形勝。權變。鞭筴之略。俱若目覩。
而躬親然者。庶幾自為一人。各
寔濟乎。自慙譎劣。終不敢下一
筆。孔式博通古今。畱心世務。誠
於是寘力焉。以經濟為經濟。不
更勝於以經濟為舉業乎哉。予

程氏

豈敢曰忻有同心。蓋深吕棟石
為孔式望也。

新安程一鉞孚威氏跋



論略

夫子以翼經也。實多畔經。有六經則有異
說。所從來矣。燬橫瓜丘。苔侵魯壁。迨漢諸
儒。人挾一椎鑿。家築一宮牆。而聖人之六
經。化為諸儒之六經。此肴山氏所為嘆也。
况諸子乎。言不雅馴。亦復何辜。韓退之曰。

論各一

荀與揚也。大醕而小疵。其所取可知矣。讀者當作此觀。群言競響。何當一映。昔人云然。而管商經濟。寧不日月並乘。莊列奇玄。正自風雲等幻。五千遺德。魏晉宗風。三百韜鈴。漢唐秘術。降自董賈。政事確然。下及揚劉。文章燦若。其他諸子。亦復國門標勝。石室藏奇。皆非荀焉已也。何之子曰。集穎為毫。字書繇之。集繇為帛。衣服繇之。集水為池。魚鱉繇之。集木為林。宮室繇之。集之功用大矣哉。類之也者。集之也。讀者當作此觀。諸子全集一例者。不可多見。唯是談兵則

孫吳擅奇。伯業則管韓稱最。陸賈誇時務。於漢初。屈劉矜文章。於楚宋。斯皆全集。一例不復游移。餘者隨意立言。文該博而多。寓隨言標旨。語恢遠而靡恒。強為類畫。區分未免刻舟求劍。關尹子曰。騎可以教射。上可以教御。上可以刺舟。言相通也。讀者

當作此觀

諸子錯陳。與六經不相侔者。修齊倫紀之類。少養生玄化。文章技藝。悠謬迂僻之類。多。然而舟車各重於鄉。橘柚均甘於口。取新拔異。不妨開曲徑於玄虛。觀指索歸。是用定擔竿於畧刻。劉彦和曰。博聞為餽。貧

之糧。貫一為拯亂之藥。言歸博於約也。讀者當作此觀。史繼經而作者也。紫陽綱目擬諸春秋外此則體局各異矣。故凡讀史者先定其人。後看其文。人品既定則懿行嘉言可助經濟。文體既得則奇辭妙語可佐筆端。疏而記之。此讀史法也。今節為類語似只作一事。工天矣。雖然善讀者奇辭妙語中安在不可見其人品行事乎。蘓老泉曰。經以道法勝。史以事辭勝。經不得史無以證褒貶。史不得經無以酌重輕。蓋言史待經而正。恐為辭掩也。讀者當作此觀。

史家重於紀述。論贊其一班也。顧以一生
行事。約諸數言。一代章程。標之片楮。非獨
論議高卓。亦復筆力嶙峋。炳炳麟麟。有黼
黻藻繪之譽。是以略其序次。錄其文辭。尚
彼華而有章。豈曰約而易盡。文中子曰。古
之史也。明道。今之史也。耀文。蓋非文辭不
為功也。讀者當作此觀。

史記自子長始也。彼自官刑失志。抑鬱無
聊。託之著書。藏副名山。蓋私史非國史也。
班孟堅乃譏其是非頗謬於聖人。夫以數
百年人物。數千人品行。執已見以論定之。
宣聖而下。恐無其人。第不至如魏收受賂。

思廉狗情足矣。子長之奇簡。孟堅之高卓。蔚宗之秀麗。永叔之嚴峻。無語不可頌述也。下此而節取之。不既彬々歟。鄭瑗曰。前漢書表。古今人物。其失也混。新唐書表。宰相世系。其失也濫。備三長如班歐。猶有此失。况其他乎。言史之不可輕詆也。讀者當

作此觀。


集古史。不集今史。闕典也。然今史未備。鄭端簡之吾學編。王弇州之別集。李禿翁之藏書。皆野史耳。其孰為定論乎。唯捷錄一書。犁然成章。雖千百之一。亦可以當豹窺。余故稍笑之。自為一帙。以備攷訂焉。陳眉

公曰。今史新帳簿也。據事直書。不立褒貶。因紀錄之間。得以練集政事。他日任用。不致杜撰鹵莽。誠重之也。讀者當作此觀。史之相類。唯前漢書與史記耳。若子之相類。則多矣。一人也。而或異其事。一事也。而或異其名。一論議也。而或增減其字句。前後錯出。彼此互見。馬者。胡三省註通鑑曰。人苦不自覺。前註之失。吾知之。吾註之失。吾不能知也。蓋難之也。讀者當作此觀。語有之。抗裂膚之寒者。雖錦綺盈筐。不如一裘為溫。乘百尺之浪者。雖蘭桂成舟。不如一匏自固。此余集類語意也。將無此外。


皆鱗爪乎。又非也。子史雖非經比。然可以
備見古人經綸之迹。與自來理亂之機。次
則載諸世務。可以應用。其根本枝葉相轄。
皆為有益之書。英上之士。博覽全集。不更
愈乎。昔者黃鉞好讀書。楊滌見而竒之。曰。
我有書。藏洋海店。架棟不下萬卷。子能從

吾游乎。鉞喜至其舍。與其子福同業。三年
盡其書。此乃真讀書人也。讀者當更作此
觀。

孔氏識



古今



不在內

○覽其書此以真齡書入也齡昔嘗與朴地
吾辨也姓喜至其舍與其子詠同業三辛

諸史總目

史記

漢司馬遷撰遷字子長龍門人父談自周以來世為
太史遷生十歲誦古文弱冠游江淮浮沅湘涉汶泗
過梁楚耕牧河山之陽誨業齊魯之都秦初中
為太史令論救李陵因得罪幽而發憤修史記

漢書

漢班固撰固字孟堅安陵人父彪家有賜書楊子雲
以下莫不造門固九歲能文博觀載籍明帝時典
秘書續成父所著西漢書
及兩都賦除蘭臺令史

後漢書

諸史總目

宋范曄撰曄字蔚宗潁人父泰仕劉宋為中書郎繼領國子祭酒博覽篇籍撰古今善言二十四篇曄為秘書丞遷宣城守不得志刪後漢書

三國志

晉陳壽撰壽字承祚安漢人少好學師事同郡譙周張華奇其才舉孝廉時人稱其善叙事有良史才著耆舊傳十餘篇撰三國志六十五篇

晉書

唐太宗御著太宗諱世民高祖次子史贊其除隋之亂此迹湯武致治之美庶幾成康尚矣至其英資通敏善屬文工書法開弘文館招致天下賢士請求治道博稽前典追陋晉史命房喬等更加撰次讎為歷

宋書

梁沈約撰約字休文武康人少篤志好學晝夜不釋卷博通羣籍善屬文事齊文惠太子為步兵校尉直承壽省較四部圖書特見親遇每日入見景斜方出竟陵王秉政以文學見知與范雲等號稱八友梁受禪拜尚書僕射封建昌侯序書至二萬餘卷撰四聲韻譜

南齊書

梁蕭子顯撰顯字子陽蘭陵人好學工文嘗著鴻都賦序沈約見而稱曰可謂明道之高致蓋幽通之流也大同三年為吳興守

梁書

陳書

唐姚思廉撰，思廉萬年人，父察，幼有至性，六歲誦書萬餘言，十二能屬文，梁文帝在東宮時，引于宣猷堂聽講，論難，後事隋，為秘書丞，修梁陳二史，及刑定朝式，思廉事隋，為代王侍讀，後仕唐，為弘文館學士，與魏徵同撰陳梁書。

魏書

北齊魏收撰，收字伯起，鉅鹿人，季景之族子，少機警，能文，北齊受禪，詔冊諸文，及魏史，皆收所撰，稱為權史官，至尚書左僕射。

北齊書

隋李百藥撰，百藥字仲觀，安平人，德林子，文行為天下推重，時議裂土與子弟功臣，百藥上封建論，密止之，官至宗正卿，好獎薦後進，祿賜分親族。

後周書

唐令狐德棻撰，德棻華原人，博貫文史，初為秘書丞，高宗時為崇文館學士，遷國子祭酒。

南史

北史

唐李延壽撰，延壽相州人，為崇文館學士，嘗述父志，作南北史，百八十篇，上之，又撰太宗正典，高宗召美。

言
直筆賜
帛褒焉

隋書

唐魏徵撰、徵字元成、曲陽人、初為建成、太宗引為
詹事主簿、歷諫議大夫、奏疏剴切、遷秘書監、參預朝
政、纂修
諸史、

唐書

五代史

宋歐陽修撰、脩字永叔、廬陵人、觀之子、幼孤、母鄭氏
守節撫教、舉進士甲科、神宗時、為諫官、論爭切直、盡
心輔弼、與韓琦、冊立英宗、
熙寧初、以太子少師致仕、

宋史

遼史

金史

元、脫脫、修脫脫、儀狀俊偉、器識宏遠、留心政治之本
為中書右丞相、監修國史、領經筵事、都總裁、故事、修
史、統于官尊者、故
三史皆署其名、

元史

明宋濂修、濂字景濂、金華人、元至正乙丑、以布衣入
翰林編修、親老固辭、隱居龍門山、
上徵至、甚眷之、刺有潛
溪集、蘿山、龍門子、詩書、

路史

宋羅泌撰泌字長源豫章人搜羅逸書子集奇奧俛曲上自三皇下迄禹夏彙為內外二紀以為震夏以前皆揖讓商周以後皆征誅衰世事也不足道故集止于夏其云路者大之也原刻隸書後改為楷故其字多不可解

歷朝捷錄

明顧充編充字迴瀾上虞人博採群書彙括史錄言約旨諛詞華体整誠史家之要錄也

國朝捷錄

自洪武至正德鄭以偉編以偉字方水豫章人自嘉靖至天啓鍾惺編惺字伯敬竟陵人皆祖顧充組纂之體為列聖大政紀博瞻典核可讀可稽

此聖大起，軒輶與林，可齋可赫。

歷朝後錄

諸子指目

廣成子

黃帝時人，謂之天真道士。帝聞在於空同之山，往問道，得所對遂師之。

老子

姓李名耳，字伯陽，楚苦縣人。為周藏室史。孔子問禮焉。西出函谷關，尹喜強著道德五千言，或曰即老彭也。真人不死時隱時見，不得定其生於何代。

姜子

姜姓，呂氏，名尚，年八十釣於渭水之陽。西伯出獵，載與俱歸，立為師。尚父佐武王滅殷，封于齊，著六韜。

管子

名熊楚人九十為文王師著書二十篇善謀政事龜鑑來茲非刑名法術之流也

管子

名夷吾號仲父頽上人事公子糾小白立子糾死管仲囚鮑叔薦以為相九合一匡卒成霸業書甚奇與務在富國安民篇中牧民高山海王乘馬輕重詳哉言之要不倍於周官法制洵天下才哉讀者得其精意鑿之可施之經濟非祗供纂組已也

家語

記孔門問答及弟子行人約雜舉戴記孔叢子說苑等書以成集

越絕書

相傳以為子貢所作其記云聖人沒而微言絕賜見春秋改文尚質譏二名興素王亦發憤記吳越章句以喻後賢賜之說也又云以去為姓得衣乃成疾各有米覆之以康屬文定籛以告邦賢邦賢以口為姓承之以天楚相屈原與之同名

鄧子

名析鄭人循名責實察法立威當子產執政作竹刑鄭國用之數難子產之政子產誅之

孫武子

齊人為吳王闔廬將子胥五戰入郢孫子謀畫居多十三篇乃魏武更定昔約義精窮奇極變不能出其

範圍為後人
兵法之祖

關尹子

名喜仕周為大夫望見紫氣浮函谷關侯得老子西游索書五千言亦自著書九篇劉向謂其渾質所異一洋大肆朕有式則真至言也

亢倉子

姓康素名楚得老聃之道居羽山之巔羽化焉秦景王與談兵事賓之上館列於師位

子華子

姓程名本字子華晉人也通墳典立索諸書聚徒著述名教晉聞孔子過諸郊贈以束帛曰天下賢士也簡子欲仕諸朝不肯怒弗以兵去之齊卒以不遇

晏子

名嬰字平仲萊人歷事靈公莊公景公崇尚節儉豚肩不掩豆一狐裘三十年好諫諫以其君顯親戚處士待以舉火者五百餘家

文子

姓辛名鈺即計朕也師事老聃原本道德雜以刑名儒墨有書十二卷行世

司馬子

姓田名穰宜田完之後晉伐齊師敗績景公患之晏嬰薦之景公召語兵事大悅以為將軍宜斬監

莊賈出兵赴戰，晉師罷去，尊為大司馬，威王使大夫追論古兵法，而穰苴附焉，因號司馬兵法。

兵子

名起，師事曾子，以兵機見魏文侯，三為大將，守西河，與諸侯大戰七十六，全勝六十四，括地千里，雖穰苴弗過是也，朕親妻求將，殘忍企功，世以是短之。

楊子

名朱，雜出他書，未見全集。

墨子

名翟，以尚同兼愛為宗，其文滔滔莽莽，一瀉千里，可稱藤木禽滑釐之徒，聞其風而悅之，相里勤之弟子，五侯之徒，南方之墨者，若獲已，齒鄧陵千之屬，俱誦墨經，而倍謫不同，相謂別墨。

列子

名禦寇，鄭人才穎逸而性冲澹，不受世束縛，其詞恢諧誕謾，大類莊子，而獨簡勁有力，唐天寶中，冊為冲虛真人，號其書為冲虛真經。

莊子

名周，蒙人為漆園吏，著書寓言，徜徉自恣，宏放馳逐，縱不可羈，其於天人性命多所開發，大要本於老子，唐封南華真人，書為南華真經。

尹文子

出於周之尹氏齊宣王時居稷
下書遭秦火多脫誤不可考

慎子

名到趙人亦法家者流其言屏認妄
削技策本道附情與詭肆譎詭者異

鬼谷子

楚人隱居鬼谷自號鬼谷先生陰謀說秘大都押問
用易之神翁張得老之幾儀秦師事之命篇甚奇辭
亦偉至

蘇繆子

魏人司馬錯也與儀秦同師鬼谷應
魏聘陳兵法一十四篇自成一家言

鶡冠子

楚人以鶡為冠號鶡冠子本黃老而雜刑名言奇
與、隱深以自尊千載而後讀其書尚有光怪摩騰層
霄此昌黎所以賞之也

屈子

屈原名平字靈均與楚同姓為懷王左徒王信上官
大夫謬而疏之因作離騷得詩人怨而不怒之意頃
襄王立上官又短之放于江
濱被髮行吟遂投汨羅而死

宋子

名玉屈原門人為襄王大夫哀
屈原之死作九辨招魂等篇

商子

公孫鞅，衛庶孽也。因景監以仕孝公，立威干奔，行信於徒木，天資刻薄人也。孝公返，卒以車裂其書，沉與煩瑣，有類管子，故談富強之術者，必曰管商。

公孫龍子

平原君時，與孔穿論臧三耳，著堅白同異論，主于徇名責寔，雖甚悠謬，亦滑稽之雄也。

荀子

荀卿，名況，趙人。春申君以為蘭陵令，嘗與臨武君論兵於趙孝王前，其言本於仁義，著書三十二篇，明王道，述禮樂，似可入道者，第言性惡禮矯，不無小醇大疵。

韓子

名非，韓諸公子也。善刑名法律，見韓削弱，數以書干韓王，不用。於是作說難、孤憤、五蠹、說林五十六篇，說秦王存韓，李斯跋之，自殺，其文章之妙，天巧奪人工，錯矣。

呂子

名不韋，濮陽人。為陽翟大賈，時秦異人質於趙，以為奇貨可居，取邯鄲姬有孕，獻之異人，生子政，是為始皇，尊為相國，封文信侯，招集四方遊士，著為呂氏春秋，懸書國門，莫能增損一字。

於陵子

陳仲子也，述其辭聘問答諸語，多屬偽作。

汲冢書

藝文志稱此書得于晉太康中汲冢魏安釐王家孔
晁註狀劉向所錄及班固並著周書七十一篇且謂
孔子刪削之餘蓋西漢時已得入中秘其
後稍隱學者不道及盜發冢乃復出耳

黃石子

黃石公相傳為圯上老人遇漢張子房而傳之子房
不得其傳而葬之後五百餘年而盜發自是素書始
傳人間

陸子

名賈楚人以客從漢高祖定天下名為有口辨士高
祖謂賈曰試為我著秦所以失天下吾所以得之者
何賈乃祖述存亡之微凡十二篇每奏一篇
帝未嘗不稱善左右呼萬歲號其書曰新語

孔叢子

名鮒字子魚尼父之後始皇并天下名為魯國文通
君拜少傅後焚詩書乃隱居嵩山陳涉聘為博士以
目疾辭退而著是書

韓子

名嬰燕人也漢文帝時為博士景帝時至常山太傅
推詩人之意而作外傳數萬言其語頗與齊魯間殊
狀歸一也

淮南子

姓劉名安淮南厲王長之子也，好書鼓琴，亦欲以行陰德，拊循百姓，流名譽，招致賓客，方術之士，作為內書二十一篇，外書甚衆，又有中篇八卷，言神仙黃白之術。

董子

名仲舒，廣川人，少治春秋，漢孝景時為博士，武帝即位，仲舒以賢良對策，拜江都相，又為膠西相，及去位，家居，不問家業，以修學著書為事，所著皆明經術之意，及上疏條教，凡百二十篇，而說春秋事得共為繁露，復數十篇，十餘萬言。

桓子

名寬，汝南人，始元中詔大夫與所舉賢良文學相問語，蓋集眾議成書，而相纂之者。

劉子

名向，字子政，漢宗室也，為中壘校尉，當元成間，外戚用事，向數上章指陳災異，譏刺時事，又攷三代攷失，舊聞，著說苑二十卷，新序十卷。

楊子

名雄，字子雲，漢成帝時為郎，歷哀平不遷官，著法言太玄十萬餘言，王莽篡漢，爵雄為大夫，校書天祿閣，使者及門，雄疑莽收之，懼而投閣，人救之得免。

京子

名房，字君明，東郡人，當元帝時，諸貴人用事，房嫉之，數上書陳天變，作易傳，以配五行，災異，後卒為人譖。

者子總目

死、

班子

名固字孟堅東漢扶風人章帝詔諸儒會白帟觀講五經同異作白帟通德義令固撰集其事

馬子

名融字季長扶風人生于咸里任達羞曲節狀好學博文生徒甚盛作忠經十八章以配孝經

徐子

名幹字偉長北海人博覽傳記言則成章標翰成文當靈帝末年天下大亂閉戶自守以六籍娛心作中

論二
十篇

王子

名允字仲任會稽人生夢季世仕進不偶專意著書作論衡上自黃唐下臻秦漢折通以聖道物理於通才如衡之平故曰論衡凡二十萬言

王子

名符字節信臨淄人少好學有志操和安之世人務遊宦而符獨介耿不同于俗乃隱居著書三十餘篇以譏當時得失不欲章顯其名故曰潜夫論

蔡子

名邕字伯喈陳留人博學多辭推獨斷一卷類白帟風俗二通

黃子

名憲隱居授徒朝遊微之不
應因號微君著外史二卷

應子

名劭字仲瑗南頓人為一時名儒受學鄭
玄位不大顯乃昉古義作風俗通義十卷

小荀子

名悅字仲豫年十二能說春秋惜生靈帝時才志識
累沮而弗行乃托疾著書有漢紀二十篇及諸論數
十篇申鑒五篇
名為小荀子

劉子

名勗字孔才廣平人魏黃初中為尚書郎正始中
經講學賜爵關內侯凡所撰述石條為人物志其一
也

王子

名弼字輔嗣晉山陽人為世
宏儒善解周易作畧例六篇

陸子

名機字士衡雲間人博學宏文大有才
名與弟雲孫二陸今止錄其演連珠

劉子

名勰字彥和梁東莞人為通事舍人自言夜夢執丹
漆之器隨仲尼南行寤而思歎讚聖旨莫若注經而

馬鄭諸儒言之已精就有深解未足名家唯文章之用有裨經典於是論著古今文體以為文心雕龍

劉子

名晝字孔昭北齊人高才不遇作為此書凡五十五篇

抱朴子

姓葛名洪字稚川句容人凡著內篇二十卷言神仙方藥養生讓邪之事外篇五十卷

文中子

姓王名通字仲淹隋時隱居河汾之間著書論語生從甚盛及唐有天下佐命之臣房杜溫魏諸名公俱出其門及卒門人私謚曰文中子

鹿門子

姓皮名日休唐人遭黃巢之亂不能自全作隱書六十篇以見志

玄真子

姓張名志和字子同婺州人始名龜齡年十六擢明經待詔翰林目賜名後坐事貶南浦尉會赦還不復仕居江湖自稱烟波釣叟著是書三卷

齊丘子

姓宋名齊丘字子嵩南唐人為化書六卷大都祖述黃老又云譚峭子

無能子

者子必用

不知何許人、著書二十四篇、其旨歸于明白狀之理、
極性命之端、自然無作、性命無私、是以器禮教而外
世務焉。

天隱子

不知何許人、著書八篇、包括秘妙、
修鍊形氣、養和心靈、無出是書。

郁離子

姓劉、名基、字伯溫、明青田人、前元進士、入
國朝、佐平天下、封誠憲伯、著連珠等書。

蘿山子

龍川子

姓朱、名濂、字景濂、浦江人、元以布衣薦為翰林學士、著潛溪集、
不就、國朝徵為儒學提舉、歷翰林學士、著潛溪集。

王子

名世貞、字元美、號弇州山人、瑯琊人、國朝七才子
之一、歷官大司寇、有四部稿、行世、今止錄其演連珠。

袁子

名宗道、字中郎、公安人、有善政、能文章、
刻中郎十集行於世、今錄其廣莊。

蒼崖子

姓朱、名健、字子強、進賢人、為文沉鬱古典、
絕似魏晉、作蒼崖子一卷、其他著述尤富。

者子忌目

言子抄

袁子

名袁作
連珠

吳子

不知何許
人作連珠

刮垢子

妙明子

適一子

瑩蟾子

南山子

松窓子

文學子

純一子

蒙泉子

聾餘子

求誠子

恒通子

者子卷四

十三

言二

綢笑子

何之子

復甌子

玉華子

草木子

子史類語總目

卷之一

君臣類

君德類

君道類

帝王類

卷之二

歷數類

子史類語

總目

卷之三

憲天類

君鑒類

馭臣類

主權類

敬勤類

卷之三

臣道類

卿相類

吏治類

盡職類

諫法類

臣鑒類

卷之四

父子類

國胤類

兄弟類

子史類

二

孝弟類

夫婦類

婦道類

師弟類

朋友類

師資類

外戚類

宦寺類

卷之五

聖賢類

聖道類

立教類

道德類

仁義類

學問類

經學類

史學類

卷之六

治道類

治法類

治化類

政體類

事功類

詔令類

卷之七

順時類

更化類

世變類

伯圖類

權術類

曆律類

卷之八

子史類語 卷之九

設官類

選舉類

用人類

賢才類

觀人類

聽言類

好惡類

毀譽類

姦邪類

聖讒類

疑信類

疑似類

游俠類

卷之九

君民類

牧民類

子史類語

總目

五

二 卷之十 終

愛利類

人情類

風俗類

治亂興亡類

卷之十

經國類

封建類

朝巡類

交鄰類

會盟類

馭夷類

籍田類

卷之十一

禮樂類

禮類

樂類

子史類 總目 六

樂器類

歌舞類

文質類

奢儉類

卷之十二

征伐類

將帥類

兵法類

兵威類

兵器類

田獵類

屯田類

謀策類

偃武類

平盜類

守備類

卷之十三

爵賞類

考課類

謚法類

賞罰類

刑法類

法禁類

獄訟類

理財類

錢法類

賦役類

市法類

卷之十四

營建類

宗廟類

學較類

名器類

車服類

治地類

農桑類

荒賑類

治河類

器用類

寶玉類

貨利類

卷之十五

言行類

威儀類

善言類

脩行類

知識類

心術類

性命類

全性類

慎習類

養生類

精氣類

齊物類

卷之十六

文章類

藝術類

字學類

冠義類

婚義類

喪葬類

祭祀類

養老類

燕享類

三才類言

終

飲食類

卷之十七

戒慎類

持盈類

謙抑類

謹幾類

品隲類

名實類

類從類

福禰類

通塞類

隱逸類

說術類

卷之十八

世法類

應務類

子史類語

息目

十一

子史類言

卷之十九

二

接人類

搯守類

施報類

達觀類

玄化類

矯治類

憂危類

愛慕類

懷思類

傷時類

卜筮類

死生類

篡逆類

卷之十九

天地類

天道類

子史類言

息目

十三

子部類言

總序

天文類

五行類

地道類

地利類

山川類

天人類

鬼神類

物理類

子部類言
災祥類

鳥獸類

草木類

卷之二十

附
皇明大政紀

帝王類

子部類言

總目

十三

子史類語 卷之二十

皇明大知照

卷之二十

草木類

鳥類

災祥類

子史類語

卷之一

君臣類

君德類

君道類

帝王類

子史類語

卷一目

子史類語卷之一

豫章 羅萬藻文止論定

錢江 魯重民孔式類

天都 程一鉞孚威象

門人

錢肅起雅明

錢奕起熙明

較

君臣類

為上惟臨。為下惟沉。臨而無遠。沉而無隱。為上惟周。為下
唯定。周則天也。定則地也。或天或地。大禮乃成。姜子

文王問太公君臣之
禮何如太公對云

卷一 君臣

左○搯○五○音○右○執○五○味○此○言○君○臣○之○分○也○君○出○令○供○故○立○於○
左○臣○任○力○勞○故○立○於○右○夫○五○音○不○同○聲○而○能○調○此○言○君○之○
所○出○令○無○妄○也○五○味○不○同○物○而○能○和○此○言○臣○之○所○任○力○無○
妄○也○故○君○出○令○正○其○國○而○無○齊○其○欲○一○其○愛○而○無○獨○與○是○
王○施○而○無○私○則○海○內○來○賓○矣○臣○任○力○同○其○忠○而○無○爭○其○利○
不○失○其○事○而○無○有○其○名○分○敬○而○無○妬○則○夫○婦○和○勉○矣○君○失○
音○則○風○律○必○流○派○則○亂○敗○臣○離○味○則○百○姓○不○養○衆○散○也○
子管

宙

左陽右陰故曰君臣之分後世無能
臣以妬也唐虞無妬臣故盡能臣

君○人○也○者○無○貴○如○其○言○人○臣○也○者○無○愛○如○其○力○言○下○力○上○
而○臣○主○之○道○畢○矣○

神○聖○者○王○仁○智○者○君○武○勇○者○長○此○天○之○道○人○之○情○也○天○道○
人○情○通○者○質○寵○者○從○

能通於天道人情者可以為王其不
能通但寵貴之者可以為後謂臣也

以○力○役○明○以○刑○役○心○此○物○之○理○也○心○道○進○退○而○刑○道○滔○
進○退○者○主○制○滔○
退○者○主○勞○主○勞○者○方○主○制○者○圓○圓○者○運○
運○

者通。通則和。方者執。執者固。固則信。君以利。和。臣以節。信。則上下無邪矣。

臣勤力役。用其明而理職位。君則役心以出法制。心則度量可不。故進退。謂充也。趨。謂遠。巡曲也。設法有當不。故有合成也。

君人者上。注。臣人者下。注。上注者紀天時。務民力。下注者發地利。足財用也。

上注。謂注意於上天。下注。謂注意於下地。
為人上者。量功而食之。以足。為人臣者。受任而處之。以教。

管子君臣

量功制祿。使得各足。受任者必設教。

為君節。養其餘。以顧民。則君尊而民安。為臣忠。信而無踰。職業。則事治而身榮。晏子

君不可與臣業。臣不可侵君事。接萬物使分。別海內使不雜。見侮不辱。見推不矜。禁暴息兵。救世之闕。此仁君之德。可以為主矣。守職分。使不亂。慎所任而無私。饑飽一心。毀譽同慮。賞亦不忘。罰亦不怨。此居下之節。可為人臣矣。尹

管子君臣

卷一君臣

三

循名責實。君之事也。奉法宣令。臣之職也。

鄧析子

君道知人。臣術知事。鴟冠子道端

呂子園道

主執圓。臣主方。方圓不易。其國乃昌。呂子任數

因者君術也。為者臣道也。為則擾矣。因則靜矣。呂子任數

上操約省之分。下效易為之功。是以君臣彌久而不相厭。

風疾而波興。木茂而鳥集。相生之氣也。是故臣不得其所。

欲於君者。君亦不得其所求於臣也。君臣之施相報之執也。淮南子主術訓

上求材。臣殘木。上求魚。臣乾谷。上求楫。而下致船。上言若

絲。下言若綸。上有一善。下有二譽。上有三衰。下有九殺。淮南子說山訓

南子說山訓

日幽。嬪之。月冥。隨之。基。○日嬪。月隨。臣應基也。楊子太玄

日君月臣也。水中之日。若在日。若在月前。故言隨。君臣道正。故言基。

六幹羅如。五枝離如。太玄應

幹喻君。枝喻臣。臣附君。如水趨川也。

人主之患。在莫之應。故曰。一手獨拍。雖疾無聲。人臣之憂。在不得一。故曰。右手畫圓。左手畫方。不能兩成。故曰。至治之國。君若桴。臣若鼓。技若車。事若馬。故人有餘力。易於應。而技有餘巧。便於事。韓子

明主程才。以效業。貞臣效力。而辭豐。陸子演連珠

夫變通之世。君臣相擇。斯策作事。謀始之幾也。鄧公贏糧。徒步觸紛。亂而赴光武。可謂識時。從會矣。於是中分麾下之軍。以臨山西之隙。至使關河響動。懷赴如歸。功雖不遂。

而道亦弘矣。及其威損。桎梏。兵散宜陽。褫龍章於終朝。就

侯服以卒歲。荼悴交而下。無二色。進退用而上。無猜情。使

君臣之美。後世莫闕其間。不亦君子之致為乎。後漢書鄧禹贊


緝政。隆俗。拔群才以成務。振景觀光。俟明主而宣績。晉書

君有常尊。臣有定卑。自然之勢也。然臣不自通於上。君不

降而逮諸下。則治不得成。而功不彰。反是而天下之務。燦

焉幾矣。故聖王屈已從諫。君臣兩得其美。知道之本歟。唐

書跋平仲論



屈突通盡節于隋。而為唐忠臣。何哉。唯其一心。故事兩君。而無嫌也。敬德之來。太宗以赤心付之。桑陰不徙。而大功立。君臣相遇。古人謂之千載。顧不諒哉。投機之會。間不容穰。公謹所以拒龜而決也。唐書屈突通等論

帝王之將興。其威靈氣焰。有以動物悟人者。故士有一槩。皆填然躍而附之。若椽椽梁柱。以成大室。又負偃植。各安所施。而無遺材。諸將之謂耶。唐書劉弘基等論

高竇雖緣外戚姻家。然自以才猷結天子。廁跡名臣。垂榮無窮。時有遇合。故見諸事業。古來賢豪。不遭興運。埋光鑿采。與草木俱腐者。可勝說哉。唐書高倫竇戚論

周之遇大宗。顧不異哉。由一介草茅。言天下事。若素宦於朝。明習憲章者。非王佐材。疇以及茲。迹夫帝銳於立事。而周所建。皆切一時。以明佐聖。故君宰間不膠漆而固。恨相得晚。宜矣。唐書馬周論

自古創業之君。其居潛舊臣。定策佐命。樹事建功。一代有一代之才。未嘗乏也。求其始終一心。休戚同體。貴為國卿。

親。若。家。相。若。宋。太。祖。之。於。趙。普。可。謂。難。矣。事。定。數。年。范。王。魏。三。人。罷。相。始。繼。其。位。太。祖。不。亟。於。酬。功。普。不。急。於。得。政。及。其。當。揆。獻。可。替。否。唯。義。之。從。偃。武。而。脩。文。慎。罰。而。薄。斂。三。百。餘。年。之。宏。規。若。平。昔。素。定。一。旦。舉。而。措。之。宋。史。趙。普。論

將。相。大。臣。拔。起。風。塵。之。中。翼。扶。王。運。以。一。職。取。名。者。固。一。時。之。林。亦。由。太。祖。推。誠。擢。下。不。任。獨。斷。用。能。總。攬。群。策。而。為。之。用。歟。其。投。天。際。而。列。功。庸。至。有。心。腹。手。足。之。諭。豈。偶

然哉。遠史耶律昌魯等論

臣也。抽肝擢胆。秉忠赤而共佐昇平。君也。露臆開胸。勵幾康而精勤治化。明良協理。幾致泰隆。熙乎一時之盛哉。

捷錄元寧宗論

易識在考終。難察在造始。故人君恒居其易則安。人臣不處其難則亂。晉書劉頌治道疏

篤猶子之愛。降家人之慈。

情等布衣。密深同氣。梁書任昉為齊明帝表草

咳唾為恩。眵成飾。梁任昉箋

君以名求之。臣以實應之。宋史蘓軾對策

天上下之情有通塞。天地之運有否泰。唐陸贄嘗陳隔塞

之九弊。上有其六。下有其三。陛下能慎其六。為臣子者敢

不慎其三哉。上下之情既通。則大綱舉而群目張矣。金史

徒卑鑑上書

威福者君之權。奉命者臣之職。元平 劉秉忠上書

君德類

如地如天。何私何親。如月如日。唯君之節。

上無事。則民自誠。抱蜀不言。而廟堂既脩。管子宙合

蜀祭器也。人君但抱祭器。以身率道。雖靜默不言。而政自理。

餘目不明。餘耳不聰。是以能繼天子之容。管子樞言

苟非時利。雖視聽有餘。不用其明聰也。

知善人君也。身善人役也。君身善則不公矣。

君身善則智淺。故不公人也。

將。鴻。鵠。貌。之。美。者。也。貌。美。故。民。歌。之。德。義。者。行。之。美。者。也。德。義。美。故。民。樂。之。形勢解管子

夫言之所以感為響。欲絕而感已移。意之所以將為思。思未革而事前輟。何則精神之所弗包。鳥故也。精誠不白。則無以王矣。是以欲治之君。必先正其本術。定其精而不搖。保其誠而弗虧。夫然後出言以副情。端意以明指。子華

德厚足以安世。行廣足以容眾。

能長保國者。能終善者也。諸侯並立。能終善者為長。列士並學。能終善者為師。

君子如美淵澤。容之眾人。歸之如魚。有依極。其游泳之樂。若淵澤決竭。其魚動流。夫往者維雨乎。不可復已。晏子

天地雖大。其化均也。萬物雖多。其治一也。人卒雖眾。其主君也。君原於德而成於天。故曰。玄古之君。天下無為也。天德而已矣。莊子天地

天地不昭。大水不潦。大火不燎。王德不堯。墨子

天有明不憂人之暗地有財不憂人之貧聖人有德不憂人之危也天雖不憂人暗闢戶牖必取已明焉則天無事也地雖不憂伐木刈草必取已富焉則地無事也聖人雖不憂人之危百姓準於上而比於下其必取已安焉則聖人無事也慎子

天受藻華以為神明之根者也地受時以為萬物原者也神聖詳理惡離制命之柄斂聚華精以慰地責天者也調味章色正聲以定天地人事三者罪此矣鷓冠子秦為

陰陽之和。不長一類。甘露時雨。不私一物。萬民之主。不阿一人。呂子貴公

信立則虛言可以賞矣。虛言可以賞則六合之內皆為已府矣。信之所及。盡制之矣。制之而不用人。之有也。制之而用之。已之有也。已有之。則天地之物畢為用矣。呂子貴信

善釣者出魚於十仞之下。餌香也。善弋者下鳥乎百仞之上。弓良也。善為君者。變夷反舌。殊俗異習。皆服之。德厚也。水泉深則魚鱉歸之。鉢木盛則飛鳥歸之。庶草茂則禽獸

歸之人主賢則豪杰歸之故聖王不務歸之者而務其所
以歸呂子功名

其可憂者唯中主爾又似練絲染之藍則青染之緇則黑
董子連語

能戴大員者履大方鏡太清者視太明立太平者處大堂
能游冥上者與日月同光淮南子俶真訓

清靜無為則天與之時廉儉守節則地生之財處愚稱德
則聖人為之謀是故下者萬物歸之虛者天下遺之淮南

子繆稱訓

以德為國者甘於飴蜜固於膠漆是以聖賢勉而崇本而
不敢失也

君人者國之證也不可先倡感而後應故居倡之位而不
行倡之執不居和之位而以和為德董子立元神

聖人樂天陶成天下之化使人有士君子之器者也揚子
法言先覺篇

密亡不罅嬪於天揚子太玄密

子史類語

卷一君德

十一

年功言

上下密附無有罅隙故可以配天

目上於天耳下於淵。聰察極也。太玄降

維豐維崇百辟馮也。伊德攸興。太玄廊

宗廟尚敬以禮奉神百辟卿士莫不依歸是德之所興也

蓋徧不覆晏雨不救。太玄昆

思不徧濟由君德不隆也

鸞鳳紛如厥德暉如。德光皓也。太玄視

紛如指文章暉如指文德

夫世不乏於德猶歲不絕於春也。天地不為亂歲去春人

君不以衰世屏德。王子感虛篇

主德者聰明平淡。總達眾材而不以事自任者也。若道不

平淡與一材同用好則一材處權而眾材失任矣。劉子人

物志

大人。大其道以合天地。廓其心以符至真。融其氣以生萬

物。和其神以接兆民。齊丘子

明君之德。啓迪弘化。緝熙康乂。光照六幽。訖惟人面。靡不

子史頌吾

卷一 君德

十二

率俾仁風翔于海表威靈行乎鬼區狀後敬恭明祀膺五福之慶獲來儀之貺

陽光之燮羣日之隨決沫之聚羣心之豫豈有心于為哉
林鳥生總焉羣一日而風之二日而霖之三之日蕩朕矣
天地不異化萬物無異性無攪則寧無拂則全此同狀之
情也聖人者操造化之權以鼓舞動蕩而作成之爾三年
成一葉則物之有葉者固鮮而一日握其苗則物之成性
者亦罕矣風之過蕭芴焉感之各以清濁應畔離者少服

德者眾果何力之有邪路史

推至誠以待人弘大順以訕物後周記文帝本紀

人君以玄嘿為神澹泊為德漢書楊雄賦

炎之如日威之如神函之如海養之如春是以六合之內
莫不同原共流沐浴玄德熏印太和枝附葉著辟猶草木
之殖山林鳥魚之毓水澤得氣者蕃滋失時者荅落參天
地而施化豈云人事之厚薄哉班固答賓戲

聖王承天制物與人行止建功則眾悅其事興戎而師樂

二 史 卷 論

其○旅○是○故○靈○臺○有○子○來○之○人○武○旅○有○見○藻○之○士○皆○舉○合○時○
互○動○順○人○道○也○後漢劉陶鑄錢議

天○者○務○副○其○氣○君○者○務○彊○其○政○是○以○王○者○處○高○自○持○不○可○
不○安○履○危○任○力○不○可○不○據○後漢王瓊疏

惟○天○為○大○合○其○德○者○弗○違○謂○地○蓋○厚○體○其○仁○者○光○被○故○能○
彌○綸○八○極○興○蓋○二○儀○振○絕○代○之○英○聲○畢○天○下○之○能○事○唐太

宗平鏡勒詔

智○足○以○窮○天○下○之○理○則○讒○邪○不○能○惑○德○之○以○服○天○下○之○心○

則○政○令○無○不○行○自○非○隆○儒○親○學○何○以○臻○茲○宋史呂公著疏

何○脩○非○躬○何○慎○非○言○何○擇○非○德○

何○監○非○時○何○務○非○德○何○興○非○目○何○用○非○極○汲冢周書小開

解

子史類語

卷一 君德

十四

子史類語

稱
何。豈。非。相。何。絲。非。然。何。與。非。何。用。非。琳。此。家。國。書。小。開
何。能。非。眼。何。真。非。言。何。對。非。對
何。如。今。無。不。自。非。劉。齋。睡。學。何。以。蘇。蘇。亦。也。呂。公。漢。經

君道類

道。大。天。大。地。大。王。亦。大。域。中。有。四。大。而。王。居。其。一。焉。人。法。地。地。法。天。天。法。道。道。法。自。狀。

重。為。輕。根。靜。為。躁。君。是。以。聖。人。終。日。行。不。離。輜。重。雖。有。榮。觀。燕。處。超。狀。柰。何。萬。乘。之。主。而。以。身。輕。天。下。輕。則。失。臣。躁。則。失。君。老子

昔。之。帝。王。所。以。為。明。者。以。其。吏。也。昔。之。君。子。其。所。以。為。功。者。以。其。民。也。力。生。于。神。而。功。最。于。吏。福。歸。于。君。驚。子

子史類語

卷一 君道

十五

見善而急。時至而疑。知非而處。此三者道之所止也。柔而
靜。恭而敬。強而弱。忍而剛。此四者道之所起也。故義勝欲
則昌。欲勝義則亡。敬勝急則吉。急勝敬則滅。姜子丹書
王者之道如龍首。高居而遠望。深視而審聽。示其形。隱其
情。若天之高。不可極也。若淵之深。不可測也。
天有常形。民有常生。與天下共其生。而天下靜矣。太上因
之。其次化之。夫民化而從政。是以天無為而成事。民無與
而自富。姜子

飛蓬之問。不在所賓。燕雀之集。道行不顧。管子

飛蓬。喻無根之聲聞。明主所不賓。燕雀。喻集。細事也。故行人不顧。謂小事非大人所宜知。

不為重寶。對其命。故曰令貴于寶。不為親愛。危其社稷。故
曰社稷戚于親。不為愛人。枉其法。故曰法愛于人。不為重
祿。爵分其威。故曰威重于爵祿。管子七法
事以合交。德以合人。

明一者皇。察道者帝。通德者王。謀得兵勝者霸。

一者氣質未分也。德者道由以成也。夫皇帝王。道隨世立。名寔則一也。

天不動。四時云下而萬物化。君不動。政令陳下而萬功成。

云、運
動貌、

得。天者高而不崩。得人者卑而不可勝。

有道之君。上有五官。以牧其民。則眾不敢踰軌而行矣。下

有五橫。以揆其官。則有司不敢離法而使矣。朝有定度。衡

儀以尊主。位衣服。緡纒。盡有法度。則君體法而立矣。

橫、謂糾察之官、併入人罪者
也、五官各有其橫、曰五橫、

有道之君。正其德以蒞民。而不言。智能聰明。智能聰明者。

下之職也。所以用智能聰明者。上之道也。上之人明其道。

下之人守其職。上下之分不同。任而復合為一體。君臣

君人者。名之為貴。財安可有。中主

申主任執守數。以為常。周聽近遠。以續明法令。固賞罰必。

不備待。而和則民反素。七主

母代馬走。使盡其力。母代鳥飛。使弊其羽翼。母先物動。以

觀其則。動則失位。靜乃自得。道不遠而難極也。

喻君不立
代臣也

有道之君其處也若無知其應物也若偶之靜曰之道也
心術

心不為九竅九竅治君不為五官五官治

一曰長目二曰飛耳三曰赫明七知千里之外隱微之中

曰動姦七動則變更矣九守俱管子

姦在隱微其理將動姦既動矣自朕變更

明王之道其守也則必折衝乎千里之外其征也則必還
師衽席之上

至禮不讓而天下治至賞不費而天下士悅至樂無聲而
而天下民和家語王言

君子入廟如右登自阼階仰視椽桷俯察几筵其器皆存
而不睹其人君以此思哀則哀可知矣昧爽夙興正其衣
冠平旦視朝慮其危難一物失理亂亡之端君以此思憂
則憂可知矣日出聽政至于中冥諸侯子孫往來如賓行
禮揖讓慎其威儀君以此思勞則勞可知矣緬然長思出
于四門周章遠望亡國之墟必將有數焉君以此思懼則

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

懼可知矣。夫君者舟也，庶人者水也。水所以載舟，亦所以覆舟。君以此思危，則危可知矣。家語五儀

古者聖王冕而前旒，所以蔽明也。紘統充耳，所以掩聰也。水至清則無魚，人至察則無徒。狂而直之，使自得之，優而柔之，使自求之，揆之度之，使自索之。家語入政

食魚無反，世盡民力乎？勿乘駕馬，則無置不肖於側乎？晏

子

君自耕，夫人自織，此竭於庸力而不斷時與智也。時斷則狗智，斷則備知。此二者形于體，萬物之情短長順逆可觀而已。

其主能通習漁流，以任賢使能，則轉轂于千里外，貨可來也。不習則百里之內不可致也。人主所求其價十倍其所擇者，則止價矣。越絕書計倪內經

夫仁義者治之門，士民者君之根本也。闔門固根，莫如正身。正身之道，謹選左右。

聖主之治，左道右術，去末取實。

聖主為不可為之行。不惡人之謗。已為足舉之德。不德人之稱。已舜循之。應山而天下從風。使舜釋其所循。而求天下之利。則恐不全其身。越絕書外傳枕中

古者嘗有紱衣纒領。而王天下者。其義好生而惡殺。節上而羨下。天下不朝其服。而共歸其義。古者嘗有處摠巢窟。穴而不惡。予而不取。天下不朝其室。而共歸其仁。晏子

明君蒞國立政。不損祿。不益刑。又不以私恚害公法。不為禽獸傷人民。不為草木傷禽獸。不為野草傷禾苗。吾君欲以蘇木之故。殺妾父。孤妾身。此令行於民。而法于國。參

其行公正而無邪。故讒人不得入。不阿黨。不私色。故羣徒之奔不得容。薄身厚民。故聚歛之人不行。不侵大國之地。不耗小國之民。故諸侯皆欲其尊。不劫人以兵甲。不威人以衆彊。故天下皆欲其彊。德行教訓。加于諸侯。慈愛利澤。加于百姓。故海內歸之。若流水。

變俗以政。下賢以身。見賢不流。使能不怠。晏子
有知則惑。有心則恤。有目則眩。鄧析子

堯舜有為人主之勤。無為人主之欲。故天下各得濟其欲。有為人主之位。無為人主之心。故天下各得肆其心。亢倉子

子

天子之義。必純取法天地。而觀於先聖士庶之義。必奉于

父母。而正於君長。司馬子

天道運而無所積。故萬物成。帝道運而無所積。故天下歸

聖道運而無所積。故海內服。莊子天道

古之君人者。以得為在民。以失為在己。以正為在民。以枉

為在己。今則不狀。匿為物。而愚不識。大為難。而罪不職。重

為任。而罰不勝。遠其塗。而誅不至。民知力竭。則以偽繼之。

夫力不足。則偽。知不足。則欺。財不足。則盜。亡竊之行。于誰

責。而可乎。莊子則陽

凡言凡動。利于天鬼。百姓者為之。凡言凡動。害于天鬼。百

姓者舍之。墨子

論一相以兼率之。使臣下百吏。莫不率道。鄉方而務。是人

主之職也。人主者以官人為能者也。匹夫者以自能為能。

者也。

主道治近不治遠治明不治幽治一不治二故明主好要而闇主好詳主好要則百事詳主好詳則百事荒君者論一相陳一法明一指以兼覆之兼熾之以觀其盛者也。荀

子富國篇

明主急得其人而闇主急得其勢官人守數君子養漁明主有私人以金石珠玉無私以官職事業荀子君道主道莫惡乎難知莫危乎使天下畏已荀子正論

明主任計不信怒闇主任信怒不任計以勝怒者強怒勝計者凶荀子哀公問

彼其自好也是其所以窶小也君子加如牛不與牛爭加走如馬不與馬爭走知如士不與士爭知彼爭者均之氣也不聞即物少至少至則淺彼淺者賤人之道也荀子堯

問篇

周公謂伯禽之傳曰汝將行盍至而子美德乎曰其為人寬好自用以慎周公曰以人惡為美德乎云云人主之道靜退以為寶不自操事而知拙與巧不自計慮

子史類語

卷一君道

廿二

而知福與然。韓子主道

夫君也者。處虛素服。而無智。故能使眾智也。智反無能。故能使眾能也。能執無為。故能使眾為也。此人君之所執也。人主之惑者。則不狀。以其智強智。以其能強能。以其為強為。此處人臣之職也。

君人者。能去賢巧之所不能守。中拙之所萬不失。則人力盡而功名立。韓子用人

盡思慮。揣得失。智者之所難也。無思無慮。挈前言而貴後功。愚者之所易也。明主操愚者之所易。以責智者之所難。故智慮不用而國治也。

明主之道。臣不得以行義成榮。不得以家利為功。名所生。必出于官。韓子八經

物眾而智寡。上不能眾。智不足以徧知物。下眾而上寡。上不能眾者。言君不足以徧知臣也。故曰。人以知人。是以形體不勞。而事治。智慮不用。而姦得。韓子難三。力不敵眾。智不盡物。下君盡己之能。中君盡人之力。上君

二考諸

盡人之智。韓子八經

有術而御之。身坐于廟堂之上。有處子之色。無害于治。無術而御之。身雖癯瘁。猶未有益。韓子內儲說

聖人任道以夷其險。立法以理其差。使賢愚不相棄。能鄙不相遺。能鄙不相遺。則能鄙齊功。賢愚不相弃。則賢愚等

慮。此至治之術也。尹文子大道

王道約。君守近。呂子論人

人與驥俱走。則人不勝驥矣。居于車上而任驥。則驥不勝

人矣。人主好治人官之事。則是與驥俱走也。必多所不及

矣。人主亦有居車無去車。則眾善皆盡力竭能矣。

正名審分。是治之嚮已。呂子審分

凡主有識。言不欲先人。唱我和人。先我隨。以其出為之

入。以其言為之名。取其寔以責其名。則說者不敢妄言。而

人主之所執要矣。呂子審應

欲知平直。則必準繩。欲知方圓。則必規矩。人主欲自知。則

必直士。呂子自知

一史類考

卷一君道

廿四

世能祖上鮮能下上祖上為親下上為君

蓄恩不倦以一取萬黃石子上畧

聖人体天賢人法地智者師古黃石子中畧

夫能扶天下之危者則據天下之安能除天下之憂者則

享天下之樂能救天下之禍者則獲天下之福故澤及于

民則賢人歸之澤及昆蟲則聖人歸之黃石子下畧

不損其行以增其容不虧其德以飾其身國不興無事之

功家不歲無用之器所以希力後而省貢獻也陸子本行

人主太淺則知闇太博則業歇

世主有先醒者有後醒者有不醒者賈子連語

易使喜難使怒者宜為君識人之功而忘人之罪者宜為

貴賈子連語

人主之行異布衣布衣者飾小行競小廉以自託于鄉黨

邑里人主者唯天下安社稷固不耳賈子事勢

所理者遠則所在者迹所治者大則所守者少夫目妄視

則淫耳妄聽則惑口妄言則亂夫三閔者不可不慎守也

淮南子主術訓

水○下○流○而○廣○大○君○下○臣○而○聰○明○君○不○與○臣○爭○功○而○治○道○通○矣○
淮南子繆稱訓

君人者國之元。發言動作。萬物之樞機。

僻國之道。在于尊神。不尊不畏。不神不化。夫欲為尊者。在
于任賢。欲為神者。在于同心。賢者備股肱。則君尊嚴而國
安。同心相承。則變化若神。莫見其所為。而功德成。
莫得其影。則無以曲直也。莫得其響。則無以清濁也。是故

為人君者。執無源之慮。行無端之事。以不求奪。以不問。

吾以不求奪。則我利矣。彼以不見出。則彼費矣。吾以不問。

問。則我神矣。彼以不對上。則彼情矣。
董子立元神

郊祀致敬。其事祖禘。舉顯孝悌。表異孝行。所以奉天本也。

秉耒躬耕。採桑親蚕。墾草殖穀。開闢以足衣食。所以奉地。

本也。立辟雍庠序。修孝弟敬讓。以明教化。感以禮樂。所以

奉人本也。
董子離合根

君人者。居無為之位。行不言之教。寂而無聲。靜而無形。執

一無端。為國源泉。曰國以為身。曰臣以為心。以臣言為聲。以臣事為形。董子保位權。

人君之事。無為而能容。下夫事。寡易從。法省易因。故民不以政獲罪也。大道容眾。大德容下。聖人寡為而天下理矣。願選良家子。有修行者。以為吏。平其法度。如此。臣少可以得壽焉。春夏秋冬。振之以時。無煩擾百姓。如此。臣可以得富焉。願王出令。上少者敬長。上者敬老。如是。臣可以得貴焉。劉子說苑。

示子扶正。元貞有終。

人方細小。可成可敗。故當正之于始。

拔車山。淵空于大人。揚子太玄。瓚音險。

民溺于世。惟大位能濟之。

瓚而閑。而拔我奸。而非石如石。厲太玄。閑。

瓚。閑之世。萬事皆難。五處尊位。當拔除其奸。非石之固。而使如石。故危也。

大開帷幕。以引方客。太玄童。

接見賢人。覽炤四方也。

君子食和羹以平其氣。聽和聲以平其志。納和言以平其政。履和行以平其德。夫酸醎甘苦不同。嘉味以濟。謂之和。羹宮商角徵不同。嘉音以章。謂之和。聲臧否損益不同。中正以訕。謂之和。言趨舍動靜不同。雅度以平。謂之和。行荀子雜言

無所不能者有大不能。無所不知者有大不知。夫忘弓矢。狀後知射之道。忘榮瘁。狀後知御之道。忘絃匏。狀後知樂之道。忘智慮。狀後知大人之道。是以天下之主。道德出于人。理國之主。仁義出于人。亡國之主。聰明出于人。齊丘子德化

賢君之踐位也。豈特委瑣握璫。拘文牽俗。循誦習傳。當世取說云爾哉。必將崇論宏議。創業垂統。為萬世規。故馳騁乎兼容并包。而勤思乎參天兩地。是六合之內。八方之外。浸溥衍溢。懷生之物。有不浸潤于澤者。賢君恥之。史記司馬相如傳

不仁愛。則不能羣。不能羣。則不能勝物。不勝物。則養不足。

羣而不足。爭心將作。上聖卓然。先行敬讓博愛之德者。衆
心悅而從之。從之成羣。是為君矣。歸而往之。是為王矣。
愛待敬而不敗。德頌威而久立。故制禮以崇敬。作刑以明
威也。漢書刑法志

古者聖人興天下之大利。除天下之大害。躬親其事。身履
其勤。憂之勞之。不避寒暑。使天下之民物各得安其性命。
無天昏暴陵之災。是以天下之民敬而愛之。若親父母。則
而養之。若仰日月。夫愛之者。欲其長久。不憚力役。相與起

作宮室。上棟下宇。以雍覆之。欲其長久也。敬之者。欲其尊
嚴。不憚勞煩。相與起作輿輪。旌旗章表。以尊嚴之。斯愛之
至敬之極也。苟心愛敬。雖報之至情。猶未盡。或殺身以為
之。盡其情也。棄世以祀之。明其功也。是以流光與天地並
長。後世聖人知恤民之憂。思深大者。必享其樂。勤仁毓物。
使不夫折者。必受其福。故為之制禮以節之。使夫上仁繼
天統物。不伐其功。民物安逸。若道自朕。莫知所謝。後漢書
典服志

朝廷者天下之本也。人君者朝廷之本也。始即位者人君之本也。其本始不正。欲以正天下。其可得乎。唐書

為國家者有不足惧者五。深可畏者六。三辰失行不足惧。天象變見不足惧。小人訛言不足惧。山崩風竭不足惧。水旱蟲蝗不足惧也。賢士歲匿深可畏。四民遷業深可畏。上下相徇深可畏。廉恥道消深可畏。毀譽亂真深可畏。直言不聞深可畏也。梁明帝紀

諫官入閣。京官宿內。惟勤唯儉。以鑄羣生。山東旱則行賑

恤。關中飢則赦天下。畿內蝗則出宮女。而恤民至矣。置弘文之館。躬釋奠之禮。而文教振矣。錄刺史之名。慎縣令之選。申用人如器之諭。而舉錯審矣。讀明堂圖。禁笞囚背。謹三覆五覆之奏。定失入失出之規。而刑獄平矣。收瘞暴骸。葬隋戰士。而澤及枯骨矣。霽威從魏徵。諫疏以絃韋。飛白答劉垺。而納諫容言之美德昭矣。他如不受康國之附。不要功也。罷鄭氏充華之選。速改過也。毀巢縱鵲。抑符瑞也。剪鬚和藥。念功臣也。鑿秦而止營繕。恐侈秦也。治安而反



自○惧○防○逸○豫○也○帝○範○以○賜○太○子○端○義○方○也○賜○絹○以○媿○賊○吏○
厲○廉○恥○也○黜○萬○紀○之○利○賤○貨○殖○也○封○以○干○之○墓○錄○忠○賢○也○
詣○苑○中○而○吞○蝗○重○稼○穡○也○敕○詔○敕○未○便○者○執○奏○示○無○我○也○
捷錄唐太宗論

殿○最○明○則○黜○陟○當○吏○治○清○則○薰○席○安○軫○及○蓬○螺○而○雕○琢○陸○
離○罷○其○役○恫○及○瘳○瘵○而○翺○翹○星○馳○寢○其○征○悲○及○窮○子○而○衛○
袖○媿○施○節○其○娛○痛○及○拊○揚○而○頭○會○箕○歛○省○其○苛○除○穢○剔○蠹○
蕩○垢○滌○瑕○軫○灾○恤○疲○蘊○仁○心○而○規○厚○政○時○以○明○睿○御○中○天○

譽瑋七隆矣捷錄元成宗論

謨

崇○重○儒○流○攷○典○禮○開○奎○章○以○資○啓○沃○佩○忠○告○以○擴○宸○聰○帝○
豈○勤○鉛○槧○而○藐○幾○務○作○一○蠹○簡○書○生○哉○欽○遵○哲○訓○確○守○佳○
莫○公○方○冊○之○宏○綸○為○太○平○之○要○理○也○捷錄元文宗論

為○人○主○計○者○莫○如○先○審○取○舍○取○舍○之○極○定○于○內○而○安○危○之○
萌○應○于○外○矣○夫○者○非○一○日○而○安○也○危○者○非○一○日○而○危○也○皆○
以○積○漸○然○不○可○不○察○也○人○主○之○所○積○在○其○取○舍○以○禮○義○治○
之○者○積○禮○義○以○刑○罰○治○之○者○積○刑○罰○刑○罰○積○而○民○怨○背○禮○

義積而民和親。漢書賈誼政事疏

存人所以自立也。墜人所以自塞也。漢書梅福疏

治亂安危之機在乎審所用心。蓋受命之王務在勦業垂統傳之無窮。繼體之君心存于承宣先王之德而褒大其

功

聰明踈通者戒于太察寡聞少見者戒于壅蔽勇猛剛強者戒于太暴仁愛溫良者戒于無斷湛靜安舒者戒于後時著心浩大者戒于遺忘必審已之所當戒而齊之以義

狀後中和之化應而巧偽之徒不敢以周而望進。漢書匡衡疏

衡疏

分天下以厚祿則已得與之同憂饗天下以豐利而已得

與之共害和博而恩篤樂遠則憂深故諸侯饗食土之膏

萬國受傳世之祚夫然則南面之君各務其政九服之內

知有定主上之子愛於是乎生下之禮信於是乎結世平

是以敦風道衰足以禦暴故彊毅之國不能擅一時之勢

雄俊之人無所寄伯王之志狀後國安繇萬邦之思化主

尊。賴。羣。后。之。圖。身。譬。猶。衆。目。營。方。則。天。網。自。昶。四。體。辭。難。
而。心。膺。獲。人。蓋。三。代。所。以。直。道。四。王。所。以。垂。業。也。晉書陸
機三等諸侯論

先。王。欲。人。治。必。選。材。欲。人。安。必。省。事。唐書袁楚客諫魏元
忠

先。王。聽。政。昧。爽。以。候。雞。鳴。既。盈。日。出。而。視。李德裕丹表六
歲之宵衣箴

道。德。為。庶。慈。儉。為。美。不。過。天。道。斯。為。至。理。罷獻箴

玄。服。莫。辨。觸。瑟。始。仆。柏。谷。微。行。豺。豕。塞。路。觀。貌。獻。殮。斯。可
戒。懼。防。微。箴

心。有。所。未。達。以。下。情。蔽。而。不。得。上。通。行。有。所。未。孚。以。上。澤。
壅。而。不。得。下。決。欲。人。之。化。也。在。修。己。以。先。之。欲。氣。之。和。也。
在。遂。性。以。道。之。救。災。旱。在。致。乎。精。誠。廣。播。植。在。視。乎。食。力。
國。廩。罕。蓄。本。乎。冗。食。尚。繁。吏。道。多。端。本。乎。選。用。失。當。豪。猾。
踰。檢。由。中。外。之。法。殊。生。徒。隋。業。由。學。校。之。官。廢。列。郡。干。禁。
由。授。任。非。人。百。工。淫。巧。由。制。度。不。立。劉蕡對策

古之聖人非不知深刻之法可以齊衆勇悍之夫可以集
事忠厚近于迂濶老成初若遲鈍狀終不肯以彼易此者
顧其所得小而所喪大也宋史蘓軾上皇帝書

天下之大萬幾之衆錢穀之冗非九重所能兼則必付之
有司天子操大綱責成功而已金史胥鼎奏

君之所任在內莫大乎相上以領百官化萬民在外莫大
乎將上以統三軍安四域內外相濟國之急務必先之也
元史劉秉忠上書

福在受諫基在愛民固在親賢汲冢周書王佩解

天為蓋地為軫善用道者終無盡地為軫天為蓋善用道
終無害天地之間有滄熱善用道者終不竭汲冢書周祝

解

言用道者動靜
法天地滄寒也

有三不遠有三不近有三不畜敬謀祗德親同三不遠也
聽讒自亂聽諛自欺近慙自惡三不近也有如忠言竭親
以為信有如同好以謀易寇有如同惡合計掬慮上泄事

子史類語

卷一君道

三四

敗。是為好害。三不畜也。汲冢書詮法解

微言入心。夙喻動衆。大乃不驕。行惠于小。衆乃不懼。汲冢書大戒解

火之燁也。固炎上為天下者。用牧水之流也。固走下不善。故有棹。周祝解。

棹。所以擊鼓。言惡者當擊之。牧。養也。善者當養之。

帝王類

得天之道者帝。得地之道者王。路史

始生之者天地。養成之者人也。能養天之所生而勿撓之。

謂之天子。呂子本生

五帝先道而後德。故德莫盛焉。三王先教而後殺。故事莫

功焉。五伯先事而後兵。故兵莫強焉。呂子先己

天將授舜主天。法商而王。祖性長於天文。純於孝德。天將授禹主地。法夏而王。祖性長於行習。地明水。天將授湯主

天法質而王祖性長於天光質易純仁。天將授文王主地。法文而王祖性長於地文勢殷之德陽德也。故以子為姓。周之德陰德也。故以姬為姓。故天道各以其類動。董子繁

古之造文者三畫而連其中。謂之王。三畫者天地與人也。而連其中者通其道也。取天地與人之中以為貫而參通之。非王者孰能當。董子王道通三

王者不普大皇。則道不能正直而方。道不能正直而方。則德不能斥。運周徧德不斥。運周徧則美不能黃。美不能黃。則四方不能往。四方不往。則可不全於王。故曰天覆無外。地載無愛。風行令而一。其威兩布施而均。其德。董子深察名號

德合天地者稱帝。仁義合者稱王。別優劣也。不擾匹夫匹婦。故稱皇。故黃金棄於山。珠玉捐於淵。岩居穴處。衣皮毛。飲泉液。吮露英。虛無寡廓。與天地通靈也。帝者諦也。象可承也。王者往也。天下所歸往。班于白虎通號

皇者煌也。盛德煌也。無所不昭。帝者諦也。能行天道。事天審

諦。祭于獨斷。

三統者。天地人之始。道之大綱也。五行者。品物之宗也。道以三興。德以五成。故三皇五帝。三王五伯。至道不遠。三五復反。譬若循連環。順鼎取窮。則反本終。則復始也。應子風

俗通

枕仁而安。抱義而處。禹湯之所以為王。假道于仁。托宿于

義。齊晉之所以為伯。蘿山子

五帝神聖。其臣莫能及。故自親事。處於法宮之中。明堂之上。動靜上配天。下順地。中得人。故衆生之類。不覆也。根著之徒。不載也。燭以光明。亡偏異也。三王臣主俱賢。故合謀相輔。計安天下。莫不本於人情。其為法令也。合於人情。而後行之。其動衆使民也。本於人事。朕後為之。是以天下樂其政。歸其德。五霸不及其臣。故屬之以國。任之以事。而始得直言。極諫。補其不遠之功。此五伯所以德匡天下。威正諸侯。功業甚美。名聲章明也。漢書晁錯賢良策

天地成位。君臣道生。粵有天皇。是曰天靈。首出庶物。君有五期。寔司元化。歲紀攝提。斟元陳樞。以立易威。秉錄司契。無文不懷。乾曜迨元。像符合氣。亭毒萬有。風行焱逝。靈書八會。印朕洞神。玉券十華。人風真淳。體真得極。提名旋復。無門無旁。神運四奧。被迹無外。無熱之陵。三輔九翼。為世億齡。路史天皇氏

五期、五行期運也。斟元陳樞、言斟酌元化、誦皇極以建易道也。象符以合元氣、長生之要、八會文章之祖也。龍鳳之章、雲篆之迹是矣。洞神、三皇也。自朕之文、皆綴以金鈞、置一玉案、覆以珠巾、券以五香、侍以十華、天皇符

極、故上成皇極、地皇得主、故上成正、一人皇得妙、故上成衆妙、三皇體真而守一、其真極也、得一而已、提名、策名也、旋復、言其變化、無外、山名。

主治荒極。雲章載持。逮天協德。與地侔賢。太始之元。上成正一。不生不化。覆却萬物。得道之秉。立乎中央。神與化游。唯庸有光。鬼出電入。龍興鸞集。鈞旋轂轉。周而復匝。爰定三辰。是兮宵晝。魄死魂生。式殷月候。諸治徑易。火紀周正。草榮木晉。亦號萬齡。路史地皇氏

天皇氏以木王
地皇氏以火紀

相厥山川。形成勢集。才為九州。謂之九圍。駕六提羽。乘雲
祇車。制其八土。為人立命。守一立妙。人氣自正。爰後風雨。
以御六氣。昭明神靈。光際無臬。挺桐萬物。無門無毒。以叶
言教。為天下谷。覆露六幕。罔不承命。道襄高厚。何德之僭。
其所付畀。與人天。參主不虛。王臣不虛。貴政教。君臣所自
起也。飲食男女。所自始也。路史人皇氏

鉅靈氏之在天下也。握大象。持化權。乘太極。而黜濼。淋。立
乎無間。作乎無窮。揣九變化。而與物相契。鑿正流。並生神
化大類。路史鉅靈氏

東戶氏之熙載也。紹某也。遺美好。垂精拱嘿。而九寰以承
流。當是之時。禽獸成羣。竹木遂長。道上頽行。而不拾遺。耕
者餘饒。宿之隴首。其歌樂而無謠。其哭哀而不聲。曾至德
之世也。路史東戶氏

是。其性而止。無私。
夷之心。故物全。
在。而不治。官天地。府萬物。審乎無假。是故死生同兆。而不
可相陵。路史皇覃氏

在者任之也。任其自
狀。不以有心治物也。

凡遠氏之在天下也。不治而不亂。狗耳目內通而外乎心。知天下之人。鶻居。鷩飲。而不求不譽。天下蓋不足治也。路
史凡遠氏

上古之民。穴居而野處。搏生而咀華。與物相反。人無妒物之心。而物亦無傷人之意。遠乎後世。人氓機智。而物始為歎。爪牙角毒。緊不足以勝禽獸。有聖者作。棲木而巢。教之巢居以避之。號大巢氏。其政好生而惡殺。節上而羨下。故

天下之人。不歸其服。而歸其義。先是時。民稔五食。而有爭心。有剝林木而戰者矣。勝者以長。亡猶不足以准之。則就其無欲者而聽令焉。又不足以定之。於是剝木結繩。以為政。路史有巢氏

不周之巔。有空城焉。日月之所不屆。而無四時昏晝之辨。有聖人者。游於日月之都。至於南垂。有木焉。鳥豕其枝。則彝。狀火出。聖人惑之。於是仰察辰心。取以出火。作鑽燧。別五木以改火。春季以出樵。終以納。異其時也。以濟時疾。鬱

攸之司九變七化火為之紀謂木器液於是范金合土為
斧重作娃甬甌成物化物而火之功用洽矣路史燧人

氏

季春心昏見于辰而出火季秋心昏見于戌而納木故曰仰察辰心

犀丑之山平阿無隘四徹中絕庸成氏之所守先王之冊
府也冊府所在庸成是主其民僮蒙莫知西東摩蜃葶食
而莫知其止息託嬰巢中棲糧隴首虎豹可尾虺蛇可躩
而人無有相媚之心路史庸成氏

上天作令為百主憲寔有睿德生而能書及受河圖綠字
於是窮天地之變仰觀奎星圓曲之勢俯察龜文鳥羽山
川掌指而初文字形位成文聲具以相生為字以正君臣
之位以嚴父子之儀以肅尊卑之序法度以出禮樂以興
刑罰以著為政立教領事辨官一成不外於是而天地之
蘊盡矣天為雨粟鬼為夜哭龍乃潛藏路史倉帝史皇氏

倉頡為帝南巡狩登陽虞之山臨洛汭之水靈龜負書
丹甲青文以授帝奎主文章倉頡作文字者包義以各
事也今而為義則文者祖
父字者子孫滋蔓而生

為而不有。應而不求。路史栢皇氏

赫胥氏之治也。尊民而重事。方是之時。人居不知所為。行不知所之。莫知作善而作惡也。出三入一。愴恍如遺。光曜赫奕而降。名有不居。即以胥而自况。路史赫胥氏

天地之精氣。大數常出三而入一。其在人。呼出也。吸入也。一之謂尊。二之謂耦。三之謂化。精氣以三成。

其為治也。不言而自信。不化而自行。湯比乎無能名之。其及樂也。八士投柝投足。參尾叩角。亂之而歌。八終。路史葛

天代

八終。一曰載民。二曰玄鳥。三曰遂物。四曰奮穀。五曰敬天常。六曰變帝功。七曰依帝德。八曰臨萬物之極。

其立政也。官天地。府萬物。草天下之物。唯以幣行。無所其親。無所甚。踈抱德揚和。以順天下。而世用寧焉。路史尊盧

遂人而降。帝世者皆立貨幣。以通有無。史皇而下。君人者咸興封禪。以昭受命。

未有耆谷。無所造作。師於廣壽。以毓其德。刑罰未施。而民勸化。三綱正。九疇序。是以天下治。餘萬物咸若。路史祝融

木處顛風生燥顛傷燥天於是聖人焉教之緝種而廬
緝種而靡填塗茨翳以違其高卑之患而違風雨以其華
有巢之化故亦號有巢氏其為政也授而弗惡予而弗取
故天下之民皈仁焉路史有巢氏
其撫世也以道存生以德安形過而不悔當而不愉當世
之人安其居而重其生意恙不見於色堅白不形於心形
有動作心無好惡鷄犬之音相聞而民至老死不相往來
命曰無懷氏之民路史無懷氏

繼天出震聰明睿智蓋承歲而王以立治紀而萬世循用
之肇修文教為百王典以其載德自木上實鹿東道不可
尚同乎元氣是併太昊得乎中央別而能全宿而有成曰
號伏羲方是時也天下多驚教人以獵豢育犧牲服牛乘
馬引重致遠以利天下而下服度天出文章河出馬圖於
是觀象於天效法於地炁三畫著八卦以逆陰陽之微以
順性命之理而君民事則陰陽家國之事始明焉察六氣
審陰陽以資之身而四時水火陞降得以有象百病之理

得。以。有。類。於。是。嘗。草。治。政。以。制。民。疾。而。人。滋。信。路史伏羲

造。天。立。極。唯。虛。亡。醇。一。而。不。嚶。喋。於。苛。事。上。際。九。天。下。契。

董。壚。合。元。履。中。開。陰。布。網。而。下。服。度。路史女媧氏

嚶喋猶深美也董壚地也

生。三。辰。而。能。言。五。日。而。能。行。七。朝。而。齒。具。三。歲。而。知。稼。穡。般。戲。之。事。必。以。黍。稷。日。于。淇。山。之。陽。求。其。利。民。空。久。食。之。穀。而。執。之。曰。天。之。時。分。地。之。利。盛。土。嗟。穢。燒。櫟。爭。野。以。教。

天。下。播。種。嗣。瓜。蓀。之。實。而。省。殺。生。之。敝。始。諸。飲。食。燕。民。乃。粒。受。火。之。瑞。王。承。熒。惑。故。以。火。紀。時。而。禘。炎。焉。著。本。草。立。方。書。命。僦。貸。季。理。色。脉。而。對。察。和。齊。以。利。天。下。而。人。得。以。繕。其。生。萬。物。百。族。皆。有。經。紀。條。理。不。以。物。之。壞。自。成。也。不。以。人。之。卑。自。高。也。不。以。遭。時。自。利。也。一。上。一。下。而。浮。游。乎。萬。物。之。祖。故。其。民。璞。重。端。慤。有。善。而。止。惡。虛。素。以。公。希。聲。若。退。樂。與。政。為。政。樂。與。治。為。治。是。故。威。厲。而。不。試。謂。賞。在。於。成。民。之。生。賞。誠。設。矣。狀。爵。祿。不。施。於。人。而。天。下。化。謂。政。

二史卷第
止有弃法而成治法誠立矣。狀刑罰不施於人而俗善不
忿争而財足不勞形而成功。曰天也。之資而與之。蘇同任
賢使能。故官利則而賢者歸。是以天下共尊共富之。南交
北幽。三危。暘谷。僂僂之人。靡不戾止。路史神農氏

殖百甄。區百穀。別其疏。澆耕聖作。以興歲。天均時而地
均財。於是神農之功廣。而天下穀賑矣。任公而不物。任法
而不數。守其餘。以制其嗇。故其人不佻。不病。民止黜事。審
時而權宜。是以老幼安里。而無謝生之心。西盪河原。東澹

海。滂南耀丹垠。北沆幽虛。莫不來享。來浴。來茹。路史炎帝
梓

生而神靈。髻而能言。勿葦齊。長敦敏。知幽明。死生之故。并
謀無智。明法天。明以使民心。一四國順之。於是開國於熊
炎。帝氏衰。蚩尤作。乳赫其火。燁以逐帝。爰暨風后。力牧。神
皇之徒。較其徒旅。以曷小顯。而弭火災。得一奉宸。乃臨盛
水。錄龜符。納三宮。五意之機。受八門。九江之要。握衍奇。以
為式。故五旗五麾。六毒而制其陣。戮蚩尤於中冀。發軔

紫宮之中。涉洹沙而屆陰浦。陟玉屋而受丹經。登崆峒而
問廣成。封東山而奉中華。君策大面而禮審生。八金谷而
咨消子心。訪大恢於具茨。即神牧於相成。陸鴻隄受神芝
於黃蓋。於是始有天地神明事物之官。各司其序。俾不相
亂。民是以能有忠信。神是以能有明德。民神異業。敬而不
瀆。故神降之嘉生。路史黃帝氏

帝于盛水之陽。築壇祭太牢。有玄龜。含符致壇。似皮非
皮。縹非縹。廣三袤一尺。丈曰天一在前。太乙在後。帝于
是設九宮。置八門。布三奇六儀。制陰陽二道。凡千八十
局。名曰天乙遁甲。升玉屋。啓石函。紫玉笈。得几。凡飛

靈神丹訣。中華君。即中黃夫人。受九品之方。審封于為
黃帝。陶心能作五色相。積火自燔。受襄城小童。步六紀
之法。黃纍小童。
步三綱之法。

唯能任道。不事心。不動力。遠憲太昊。而乘西行。是稔少昊。
其即位也。五鳳造。至故為鳥紀。五鳩糾民者也。五稚用五
工。正利器用。正度量。夷民者也。九雇為九農正。教民事。戶
民。止淫者也。民事既正。乃法度量。調氣律。行二十有八宿。
十二月以為元。而民事定。作布貨以制國用。立史官。尊者
老。修其方。而天下治。人亡疵疢。鬼亡靈響。百工法而止偽。

仁而惠威而信其色郁也其德嶷也其動也時其服也士
士事不文木事不飾以示民之節緣巧者之事行仁者之
搯上繇黃帝之道而明之守高陽之庸而正之節仁之器
以修其財而身專其美矣故六氣正而天道平五正建而
人事理法尚乎一而政貴乎信故下服度不備待而得蘇
故民反累皇道炳燠萬流仰鏡牛馬之牧不相反人民之
俗不相知於是省方以齊民之物而登封以報正之成是
以四海同風九州共貫天下歸往而人以樂生路史帝嚳

聰明密微其言不式其德不回仁如天智如神明如日而
晦如陰好謀能深和不怒憂而畏禍快而愉勤勞不居
儉而用禮不貴時巧不視文繡不以鶉居易九市不以私
故留耕時水處者漁谷居者牧是以地宜其事也宜其械
械宜其林故人得以所有易所亡所工易所拙而上下達
矣欽明文思內行謹飭篤孝慈仁敬使人知子弟之道仁
恩被於蒼生德化孚於四海故亡膠漆之約於當世而道
行富而凶驕貴而不舒居於明堂斤題不斲土階不戚茅

次不勳泊如也。以賢制爵，以庸制祿。故人慎德興功，輕利而興義。政先仁而後煞，先賑而後疏。先化而後教。三教不率而刑賞寓焉。畫衣冠，異章服，謂之戮。故人可殺而不可辱。立於靈扉，雲生牖，坐於華殿，松生棟，萬物皆備於戒。而止黃屋之心，舉天下以為社稷，非有利也。故垂裳幅委，輕裘而天下治。路史帝堯氏。

濬哲文明，溫恭通智，敏敦好學而止。至善寅畏天命而尤長於天文。當其田也，旱則為耕者鑿隕，儉則為畋者表。

虎與四海俱利，是故光如日月而天下歸之。謀牧立岳，以廣聰而燭隱。自即位以來，順堯考德，欽冀皇象，天德出寧，日月照而四時行。于時八風循通，卿雲叢上，俊乂百工胥蘇，而歌曰：慶雲爛兮，糾縵曰兮。日月光華，旦復旦兮。八伯拜手而進曰：明上天爛狀，星敷日月光華，宥于一人。帝乃擁旒持衡，沉首而笑曰：時乎，日月有恒，星辰有行，四時順經，萬物允成。藝乎鼓之，軒乎舞之，英華欲遂，褰裳去之。路史帝舜氏。

窮聖神修道德滋萌元氣開闢太初天皇氏之所以應乎
天也依土地明神靈駕六羽而上騰度九州而下濟人皇
氏之所以順乎人也造書契教畋漁合五緯而節四時登
九天而類萬物犧皇氏之所以制人法也務播殖訖變通
嘗藥以救兆人聚貨而交天下農皇氏之所以與人利也
振變鼓戴龍旗天則玄女授符帝則黃神降斗軒轅氏之
所以除人害也均度量四都邑摠秋令於金天分瑞官于
鳳紀帝吳氏之所以為人極也執祭祀義鬼神履時以象

天養財以任地帝項氏之所以為人教也秋乘馬春乘龍
順三辰而天道平建五正而人事理帝辛氏之所以為人
政也明如日晦如陰人無識其名帝何力於我帝堯氏之
所以昭君德也聞一善舉八扈帝唱動而爛星雲天歌發
而鎗鳥獸帝舜氏之所以章后功也唐書崔融嵩山啓

廟碑

軒轅生而神靈弱而能言長聰明治五氣設五量撫萬民
度四方服牛乘馬馴擾猛獸以與炎帝戰於阪泉之野三

戰而後克之。始垂衣裳。作為黼黻。命風后。力牧。常先。大鴻。以治民。播時百穀。嘗味草木。仁厚及於鳥獸昆蟲。考日月星辰。用水火財物。以生萬民。上賴其利。百年而死。民畏其神。百年而凶。民用其教。百年而移。故曰黃帝三百年。

五氣五行之氣。五量。權衡升斛尺。夫里步十百。風后為相。力牧為將。

高陽靜淵而有謀。䟽通以智。養財以任。地履時以象天。依鬼神而制義。治氣性以教眾。索誠以祭祀。巡四海以寧民。日月所照。莫不底屬。

生養則任土地之宜。順履四時。法象上天。和其氣性。以教百姓。底屬。化也。

高辛生而神異。自言其名。博施厚利。不於其身。聰以知遠。明以察微。以順天地之義。知民所急。修身而天下服。取地之財而節用焉。撫教萬民。而誨利之。應日月之生。朔而迎送之。明鬼神之義。而敬事之。其色也和。其德也重。其動也時。其服也衷。春夏秋冬。育護天下。

作曆以明弦望。晦朔日月。未至而迎之。已過而送之。

陶唐其仁如天。其德好生。就之如日。望之如雲。富而不驕。

貴而能降百夷典禮變龍典樂舜時而仕趨視四時務先
民流四凶而天下服其言不忒其德不回
有虞孝友聞於四方陶漁事親寬裕而溫良敦敏而知時
畏天而愛民恤遠而親近睿明智通為天下帝命二十二日
率堯舊職恭已而已

夏后敏給克齊其德不爽其仁可親其言可信聲為律身
為度臺穆七為紀為綱其功為百神之主其惠為民父
母左準繩右規矩履四時據四海四極之民莫敢不服

語五帝德

黃帝之治天下也其精微之感蕩上浮而下沉故為百福
之宗為百福之所宗則是百神受職於庭也帝乃采銅者
鍊剛質也登彼首山就高明也作為大爐鼓陽化也神鼎
熟物之器也上水而下火二氣升降以相濟中和之寔也
羣龍者衆陽氣也雲者龍屬也帝鄉者靈臺之闕而心術
之變也帝之謂所類也形也氣也知識也雖與人同爾朕
而每成而每上則其精微之所徹達神明之所之適其去

人也。遠矣。羣小臣知識之所不及者也。攀龍之翮，有見於下也。不得上升，無見於上也。有見於下，無見於上者，士也。上下無見者，民也。予裹衣冠者，帝所以善世制俗之具也。民無見也，懷其所以治我者而已矣。

子華子

悼前人之非度，乃勞身焦思，輕尺璧而憐寸陰，志勤天下。左準繩，右規矩，繩長風，沐甚雨，旃從三子，履四時，乘四載，行山表才，斬高喬，下定高山，大川，疏停道，滯鍾，必置物，身畚茨，以為人先。禹治水，傷功未就，愁朕沉思，於是上觀

於河，河授圖，乃北見六子，獲玉璽之書，以從事，聞宛姜黃帝書，乃登覆，黼掇穴，獲五符，知治水要。下龍門，愛至簡，以揆地，遂周行天下，主名山大川，以利于民。功之所施，名川三百，支流三千，而弗自助，離心剝刑，瘵以趣事，謂人亡食，則不能使也。不利于人，則不能勸也。故鬢河而定之，九牧鑿江而消之，九逕鄧五湖而定，東海民勞矣，而不怨，利于民也。故不自言其信，而信諭矣。有君民之大德，有事君之小心，是以神勞五岳，形瘦九州，而不以為苦。一饋而

七。起一沐而三投髮。曰唯予四海之士。須於門而四方之民弗至也。路史大禹記

禹于陽明洞天感太上命綉衣使者降受五符以治水。檄台萬神又蓋龍門至空岩得伏羲玉簡長尺有二寸。及八卦圖開山圖

請成相道聖王。堯舜尚賢身辭讓。許由善卷重義輕利身。顯明堯授能舜遇時尚賢推德天下治。雖有聖賢適不遇。世孰知之堯不德舜不辭妻以二女任以事大人哉。舜南面而立萬物備舜授禹以天下尚德推賢不失序外不避

仇。內不阿親賢者予禹勞心力堯有德干戈不用三苗服。舉舜副猷任之天下身休息得后稷五穀殖變為樂正鳥獸伏契為司徒民知孝弟尊有德禹有功抑下鴟辟除民害逐共工北決九河通十二渚跡三江禹溥土平天下躬親為民行勞苦得益皋陶橫單直成以為輔契玄王生昭明居于砥石遷于商十有四世乃有天乙是成湯道古聖賢基必張荀子成相篇虞舜之時游于岩廊之上垂拱無為而天下治平周文王

至於日昃不暇食而宇內亦治夫帝王之道豈不同條共貫與何勞逸之殊也武帝賢良策

初作難發於陳涉霍庚滅秦自項氏撥亂誅暴平定海內卒踐帝祚成於漢家五年之間號令三嫺自生民以來未有受命若斯之亟也憤發其所為天下雄安在無土不王此乃傳之所謂大聖乎豈非天哉豈非天哉非大聖孰能當此受命而帝者乎史記秦楚之際月表

桀紂失其道而湯武作周失其道而春秋作秦失其政而

陳涉發迹諸侯作難風起雲蒸卒亡秦族史記自序

赤帝子無前人之迹立錐之地暴起風埃之中扶義而征唱仁而戰提三尺以殲三猾約法三章之政行而萬民悅新城三老之說用而四海從猛士如雲謀臣如雨而帝知人善任不齷齪以自用朕肱蕭曹心牙信布腹心良平相與耘鋤海內四百五十二年之業不五載而為上定之鐵馬金戈之天下雖不逞以上滅五下澄三而大風一起威加海內坐享皇帝之位其規摹已弘遠矣應朝捷錄漢高

帝論

印黼黻而心田野之輔陛而口茅茨故勸農之外無奇語
蠲租之外無異說而重民以厚本之政煙火萬里方內有
安寧之慶禁罔疏濶司刑無鬼尖之虞德厚侔天地利澤
施四海民生其間六一時之三代也提錄漢文帝論

周秦之敝罔密文峻而奸軌不勝漢興掃除煩苛與民休
息至於孝文加之恭儉孝景遵業五六十載之間至於移
風易俗黎民醜厚周云成康漢言文景美矣漢書景帝贊

漢承百王之弊高祖撥亂反正文景務在養民至於稽古
禮文之事猶多闕焉孝武初立卓狀罷黜百家表章六經
遂疇咨海內舉其俊茂與之立功興太學修郊祀改正朔
定應數協音律作詩樂建封禪禮百神紹周後號令文章
煥狀可述後嗣得遵洪業而有三代之風如武帝之雄材
大略不改文景之恭儉以濟斯民雖詩書所祿何有加焉
漢書武帝贊

孝宣之治信賞必罰綜覈名實政事文學法理之士咸精



平史恭言

其能至於伎巧工匠器械自元成間鮮能及之亦足以知
吏稱其職民安其業也遭值白奴垂亂推亡固存信威壯
夷軍于慕義稽首稔滿功光祖宗業垂後嗣可謂中興侔
德殷宗周宣矣漢書宣帝贊

帝能稔知民瘼綜核名實信賞必罰慎刺史相守之官嚴
二千石之選求直言除租賦上下相安莫有苟且之意是
以吏稱其職民安其業威信壯夷軍于慕義議者謂功光
祖宗業垂後嗣又謂其近於明作有功豈不信朕七以刑
餘為周召法律為詩書治甘雜伯而開三大蒙以為基相
之主捷錄漢宣帝論

自中興以後逮于永元雖頗有弛張而俱存不擾是以齊
民歲增闢土世廣偏師出塞則漠北地空都護西指則通
譯四萬豈其道遠三代術長前世將服叛去來自有數也
後漢書和帝贊

古之人君雖幽放而反國祚者有矣莫不矯鑒前違審識
情偽無忘在外之憂故能中興其業觀夫順朝之政殆不

賦乎何其做僻之多歟後漢書順帝贊

世祖南面嗣業功參寶命雖為繼體事實艱難御衣垂旒
深存政典文武授任不革舊章明罰厚恩皆由上出義兼
長遠莫不肅朕外表無塵內朝多豫機事平理職貢有恒
府藏內充民鮮勞復南齊書武帝贊

後主昔在儲宮早標令德及南面繼業寔允天人之望矣
至於禮樂刑政咸遵故典加以弘深六藝廣開四門是以
待詔之徒爭趨金馬稽古之秀雲集石渠陳書後主本紀

帝王之興也必有積德累功博利道協幽顯方契神祇之
心有魏掩迹幽方世居君長淳化育民與時無競神元生
自天女桓穆勤於晉室靈心人事夫豈徒朕魏書序紀

世祖聰明雄斷威靈傑立藉二世之資奮征伐之氣遂戎
軒四出周旋險夷廓定四表混一戎華其為功也大矣遂
使有魏之業光邁百王豈非神叡經綸事當命世至於初
則東儲不終末乃蒙成亦忽固本貽防殆弗思乎魏書世祖

論



高宗與時消息靜以鎮之養威布德懷緝中外自非機悟
深裕矜濟為心亦何能若此新書高宗紀

盛哉太宗之烈也其除隋之亂以迄湯武致治之美庶幾
成康自古功德無隆由漢以來未之有也唐書太宗紀

文宗恭儉儒雅出於天性嘗讀太宗政要慨然慕之及即
位銳意于治每延英對宰相率漏下十一刻凡除吏必召
見訪問親察其能否故太和之初政事修飭號為清明唐

書文宗紀

仁宗恭儉仁恕出於天性在位四十二年之間吏治若媮
惰而任事茂殘刻之人刑法似縱弛而決獄多平允之士
國未嘗無嬖倖而不足以累治之體朝未嘗無小人而不
足以勝善類之氣君臣上下惻怛之心忠厚之政有以培
壅宋三百餘年之基子孫一稿其所為馴致於亂傳曰為
人君止於仁帝誠無媿焉宋史仁宗本紀

高宗以公天下之心擇太祖之後而立之乃得孝宗之賢
聰明英毅卓然為南渡諸帝之祿首可謂難矣哉即位之

初銳志恢復。值金世宗之立。無釁可乘。狀易表稱書。改臣
稱。侄去歲幣。以定隣好。金人易宋之心。至是亦寢異於前。
日矣。故世宗每戒羣臣積錢穀。謹邊備。必曰。吾恐宋人之
和終不可恃。蓋亦忌帝之將有為也。狀自古人君起自外
藩。入繼大統。而能盡宮庭之孝。未有若帝。故宋之號廟若
仁宗之仁。孝宗之孝。其無媿焉。宋史孝宗本紀
世祖度量弘廣。知人善任。使信用儒術。用能以夏變夷。立
經陳紀。所以為一代之制者。規模弘遠矣。元史世祖本紀

天下者至公之神器。在昔三五不獲已。而臨蒞之。故帝王
之功。聖人之餘事。軒冕之華。儻來之一物。梁簡文帝改年


詔

明能見物。高能致福。物備成至。曰帝。汲冢周書本典解
一人無名。曰神。敬賓厚禮。曰聖。德象天地。曰帝。靜民則法。
曰皇。仁義所在。曰王。立制及衆。曰公。執應八方。曰侯。謚法

解

人生而重文。夫謂之胄子。胄子成人。能治上官。謂之士。

率衆時作謂之伯。能善於衆與百姓同謂之公。能
樹名主物與天道俱謂之侯。能成羣謂之君。有廣德
分任諸侯而敷信曰予一人善至於四海曰天子達於四
荒曰天王。四荒並至莫有怨訾乃登為帝。王子晉解



子史類語卷之一終

國子監祭酒林信言閱畢

